



**Sud Bosne i Hercegovine
Суд Босне и Херцеговине**

**Broj: S1 3 Iž 037731 20 Iž
Sarajevo, 19.10.2020.godine**

Sud Bosne i Hercegovine, u vijeću Apelacionog odijeljenja sastavljenom od sudija Vesne Trifunović predsjednika vijeća, Dinke Bešlagić-Čovrk i Zvezdane Antonović, članova vijeća, odlučujući o žalbi Petrović Miodraga iz Italije, Via Giuseppe Faggin 36 Vicenza (VI) 36100, izjavljenoj protiv Odluke Centralne izborne komisije Bosne i Hercegovine broj: 05-1-07-1-997/20 od 01.10.2020. godine o utvrđivanju i objavi broja birača upisanih u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 19.10.2020. godine, donio je

R J E Š E N J E

Žalba se odbacuje.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, utvrđen je i objavljen broj birača upisanih u izvod iz Centralnog biračkog spiska za glasanje izvan Bosne, ukupno 101.771 birača.

S obzirom da nije prihvaćena prijava za upis u izvod iz Centralnog biračkog spiska za glasanje izvan BiH, u ime žalitelja Petrović Miodraga žalba je podnijeta putem e-mail adrese registracijainobirača@gmail.com bez njene punomoći za podnošenje žalbe na spornu odluku,

Centralna izborna komisija Bosne i Hercegovine je u odgovoru na žalbu istakla da osoba sa čije je elektronske adrese upućena žalba nije dostavila punomoć za podnošenje žalbe u njeno ime, zbog čega smatra da je predmetna žalba izjavljena od neovlaštenog lica, te predlaže da se ista odbaci, ili odbije kao neosnovana.

Žalba je nedopuštena.

Uvidom u spis predmeta Sud je utvrdio da je žalba u ime Petrović Miodraga podnijeta sa e-mail adrese registracijainobirača@gmail.com. Koji nije ovlašten izjaviti žalbu. Naime, u Obrascu prijave za glasanje izvan BiH (PRP-1) u koloni D. pod 6. u kontakt podacima žalitelj je upisao drugu e-mail adresu, a s koje adrese bi

mogao izjavljivati i pravne lijekove na odluke Centralne izborne komisije BiH. Pored navedenog, žalitelj nije dostavio ni punomoć da u njegovo ime žalbu može izjaviti lice sa čije elektronske adrese je žalba upućena.

Dakle, obzirom da je Sudu nepoznato ko je lice sa čije e-mail adrese je izjavljena žalba, te obzirom da podnosilac žalbe nije dostavio punomoć za izjavljivanje žalbe na pobijanu odluku Centralne izborne komisije BiH, to se ista ne može tretirati kao dozvoljena i izjavljena od ovlaštenog lica.

Kako je po shvatanju apelacionog vijeća žalba izjavljena od neovlaštenog lica, u smislu odredbe člana 180. stav 3. Zakona o parničnom postupku pred Sudom BiH („Službeni glasnik BiH“ broj: 36/04, 84/07 i 58/13), to je istu, analognom primjenom člana 191. stav 1. tačka 1. citiranog zakona, a koji se primjenjuje temeljem odredbe člana 60.a) Zakona o upravnim sporovima Bosne i Hercegovine („Službeni glasnik BiH“, broj: 19/02 do 74/10), valjalo odbaciti kao nedopuštenu.

Predsjednik vijeća
Sudija
Vesna Trifunović